

瀘谿縣志

六

地 24 = 27
38

EW 250.117

38

36



瀘谿縣志卷十一

流寓

明羅汝芳字惟德稱近谿先生南城人故與周上人相友善上人卓錫於出雲峯先生來遊因止其上再歷寒暑稍披荆棘築室以居從遊者二十餘人後先生去數載上人亦去見石文器同邑令潘元勳出雲峯記

王寔字時貞又字東石金谿人正德辛未進士授主事歷官提學副使在朝以風節著嘗疏正孔廟從祀及忠烈如龍逢蘇武等三十人名臣如汲黯宋璟等二十人名儒如王通胡瑗等十四人皆宜命所司分別補祀終養歸杜門却掃與洪北山黃卓峯吳疏山講論青田之學二十餘年

瀘谿縣志

卷十一

流寓

竟不出嘗至高阜高元人鄧景祥之義烈作祠記表之其言俱有關於世道見金谿志

李伯廉字登之又字清源金谿人嘉靖四十三年鄉舉爲文有典則迥異時流嘗讀書瀘之妙高峯爲陳公堤記又作城隍廟記後知柳州有惠政禱雨五鶴繞壇甘露浹旬累擢馬湖府僉事卒於官見金谿志

國朝江南生自云江南人不言姓字年可三十無須頎身蘊立動止傲詭於嘉慶十四年游瀘往來杜藍莒州高阜閒逢人輒譚韻學遇文士講經聞其說者舌橋不能下久之林生用晉苑館於金竺菴從之學屢勸生多購書昕夕講貫不休有問疑義者則曰出某書第幾頁第幾行檢之果然



問者初以爲偶然也已而無不皆然性嗜酒酣醉以往輒
僚侘悲嘯學侶莫測其由皆避席去待人無主客禮尤厭
薄富兒有造謁者則閉戶或大聲讀書客因是謝絕好習
禮儀設几席倩諸生爲介紹而已爲賓則槃辟自西階上
跪拜磬折如儀仿佛叔孫通之絲葛也邑令楊朝位聞其
名請至署生敝衣躡履昂首而入楊示以所作生評論詆
訶不稍阿附楊心折之每夜譚經多達曙其聲昇學者駭
聲相應和嘗語人曰聰慧誠由天授而疆識盡人可爲若
日以寸紙記五六事黏壁則終歲所獲多矣未曾泚筆爲
文而衣帶閒繫片紙乃所作武寧盧氏溉園書屋記也其
述經學則以漢魏爲宗所縷指宋明及

本朝十數人皆鴻博者據家在館半歲恒拊膺太息一似
有大不得於其中者或曰生姓李以贈蓑客詩自署李我
也語音類楚或又曰此楚之五百齡也質之皆非是一日
忽欲歸奉之金不受曰吾無用此遂去

仙釋

宋僧干一姓鄧名春蜀人端宗時挂錫福源寺常冒暑行上
覆彩雲出入有虎隨之里人傳潛釣於九曲谿見虎大懼
師揮虎卽退因爲買魚放生潛告魚已剗腸無復生理師
笑投水中魚卽拖腸逝潛詫之遂師事焉旋偕知友湖山
進士周漸敬建麻地精舍居之後跌坐而化垂今數百年
鄉人稱爲得道禪師肉身猶存寺塔中明萬厯閒大旱祈

雨彷彿師跨神龍而下甘霖立沛事聞益藩扁賜通天手
眼

明平陽圓通庵開山僧萬麻年閒出家頓悟西來意旨預知
逝期一月之先遂不火食命徒預備化具至日則自登火
臺佛號數千聲火至胸前方擲木魚而逝

澤心寺僧觀濤飛錫諸方受衣鉢於覺浪大師有舉亭語
錄行世

國朝僧如默駐錫獅峯通內典善畫山水工詩與南昌宗伯
李明睿副使黎元寬友善

方術

元方巫者不知其名相傳爲元初人負其法力禱雨於方家

瀘谿縣志

卷十一

仙釋

方術

三

山之龍潭不應遂下潭與龍鬥置草履潭側謂眾曰若履
相觸卽吶喊助我已而果然眾皆笑不如約遂不勝而死
其女隨入潭鬥又不勝乃求葬其父於潭前嶺上未知所
終見顧愆懋龍王廟碑

明周玳九都澤西人授正一秘法歲大旱禱於龍潭不應玳
投以鐵符頃刻風雨大至

傅洋字元盛少負奇氣好讀書尤精易卜時有寇潛伺期
夜至洋占易莫夜有戎遂遁免其他徵驗多類此別號南
坡先生

孫景耀字震陽學貫諸家耐清貧於世味泊如也著有易
旨問義地理真銓奇門秘要諸書

國朝魏端字端予其人生好奇於天文地理風角之書靡不究覽當崇正之季性好遊北極雁門南踰柳州足跡常萬里晚歲家居指所居曰某日當圯至期果然蓋異人也棄諸生服著書自娛見者多不能解云

鄧天階字六符以醫名本上樛洲人移居嵩谿自號嵩谿居士著有保幼彙纂順德堂醫案名從心錄皆自序于璇字步瀛精醫尤善療自有患者求醫藥不受值遠者畱於家日飲食之愈而後遣歸

休咎

國朝康熙二十六年丁卯魏東洋妻黃氏一百歲

乾隆三年戊午林祥卿妻傅氏一百零三歲

瀘溪縣志

卷十一

休咎

四

三十年乙酉傅德言妻卍氏一百歲

三十七年壬辰秋大熟

四十年乙未大有年

嘉慶元年丙辰饒受祿妻黃氏一百歲

十八年癸酉四月 有鶴再集平步山上踰時始去

道光元年辛巳大有年

監生彭大鼇妻何氏五世一堂

監生單彬五世同堂道光三年有司祥請咨部具題奉

旨令撫部院賞給眉壽延慶扁額綵緞一端

道光元年武生鄧步蟾五世同堂年九十二歲時司訓黃爵滋欲以其事上聞不果贈聯云天佑一堂四父子人稱

五代三公孫

道光二十六年生員李璜妻劉氏一百一歲

旌表五世同堂子六人孫十四人曾孫六人元孫一人

明萬曆七年己卯夏五月下黑黍狀如樟子炊之可食六月
雨雪

八年庚辰夏六月雨雹大如雞子碎屋瓦折樹枝

秋八月地震聲轟如雷河水涌起

十六年戊子大饑

十七年己丑大疫

三十一年癸卯春三月大風雨雹屋瓦皆裂

三十二年甲辰秋七月地震冬十一月又震房屋柱磔響

裂

三十七年己酉大水傷禾稼

四十年壬子大水壞田畝秋八月雨雹大如石塊有稜角

天啟七年丁卯旱荒

崇正九年丙子大荒

十一年戊寅文廟燬

十七年甲申地震民大疫

國朝順治四年丁亥歲大禱民多饑死

六年己丑斗米六百錢餓殍載道

十一年甲午大疫死者無算

康熙四年乙巳大水復旱

十年辛亥田禾半收

十一年壬子旱蝗入境民多疾疫

十三年甲寅夏四月二十日夜有赤氣自北而南長約數十丈尾流星光沒後白氣經天歷時乃散

十七年戊午秋七月降霜蝗入境

二十二年癸亥夏大水

二十七年戊辰夏六月連日大雨平地水高數丈民溺死無算

五十六年丁酉饑

五十九年庚子秋七月大旱

雍正八年庚戌夏六月六日寒風疾雨平地水丈餘二十

濶溪縣志

卷十一

休咎

六

七日復大水

乾隆二十九年甲申多虎白晝傷人近山居民苦之官使善獵者禽獲牝牡各一始安

五十年乙巳二月二十三日夜大雨雹附城二三里屋瓦盡碎田野蔬麥立稿

嘉慶二十五年庚辰夏大旱三月不雨田禾不及半收

道光十四年甲午夏大水年饑甚死者無算餒猪糠料山田野菜人爭食之

道光二十年間太白經天晝見西方長數丈月餘沒

咸豐六年春虎入城七月粵匪至

咸豐七年秋慧星見東南光芒如旗角閃動

是年九月粵匪踞高阜月餘有白氣如馬長約數丈出獅山騰至霧濃村時依山麓時抄樹杪往來半日始沒八年戊午秋大疫死者相枕藉

又某月日辰刻空際礮響聲不絕似有火光迸射逾兩刻始止咸以爲天鼓鳴云

十一年辛酉夏慧星見北方

是年六月上榕州有青蠅集其村福王殿堆疊如蝗高數尺橫至村橋約數十丈其數殆不可億計七月賊至其村殺數人擄數十人歸掠而去

同治元年六月朔夜地震牀榻搖動門環即當有聲牛馬鷄犬皆嘶鳴天明始息

蘆溪縣志

卷十一 休咎

七

三年甲子張家坊居民夜靜聞哭聲遠來甚悲穿街過巷隱隱度鄰村而去令人鼻酸膽裂旋傳某地鬼哭數十里問之同日殆所謂喪門吊客者歟

是年夏大水壞田禾道路橋阪無算城外接龍橋原石墩冲倒二座

八年己巳夏大雨水溪澗河流一時並漲田塗傾淤者不可勝記有某山腰裂數丈居民盡聞鉦鼓之聲黑霧中似有神物騰去